

TE HUIEURAA ARI

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 11.

Novema, 1924.

Mat. 18.

*O te tane hoi to te vahine ra upoo, mai te Mesia atoa ra ei
upoo ia no te ekalesia, e o te ora hoi oia o te tino ra. Ephe-
sia 5:23.*

Te Momoni e te Mau Moni

E RAVE rahi te taata i teie paeau fenna moana nei tei
tamanu i te mana'o e, o te parau "Momoni" ra, o te i'oa
mau ia o te Ekalesia i parau-noa-hia i taua i'oa ra; e te haa-
piihia nei ratou e, o te mau orometua no teie nei Ekalesia, e
"mau moni" ana'e ratou. E no teie nei haapiiraa haavare
e te parau hape, i papaihia'i te parau mau i muri nei.

Teie i'oa "Momoni" e i'oa topa-noa-hia ia e te mau
enemi no te Ekalesia, e ere roa ra ia i te i'oa mau; teie ra
te i'oa ta Iesu Mesia i topa mai i nia iho i Ta'na Ekalesia,
oia hoi, "Te Ekalesia a Iesu Mesia i te Feia Mo'a i te Mau
Mahana Hopea Nei." Na'na ia teie Ekalesia, e No'na hoi
te i'oa i topahia i nia iho.

Teie taata o Moromona, o te hoê ia peropheta na te
Atua o tei parahi i te fenua ra i Amerika, e ua pohe oia i te
matahiti e 400 i muri a'e i te Mesia.

Te i'oa mau no te mau melo no teie nei Ekalesia, o te

“Feia Mo‘a” ia, mai tei topahia i nia iho i to te Ekalesia i te anotau o te Mesia ra (Ohipa 9:13). E ere ia te mau orometua no teie Ekalesia a Iesu Mesia nei i te feia “mau moni” e ere atoa ta ratou ohipa i te mea tamonihia; e mea aroha râ, e na ta ratou iho moni i hoo mai i te maa, te ahu, e te mau mea e au i te pae tino nei. Aita roa ta te Fatu mau tavini i hinaaro i ta outou moni; ia haapue râ outou i te tao‘a mau i te ao ra, i te vahi e ore roa e pau ai i te hu‘hu e te pê.

Te Ekalesia e te Haapaoraa

Ua na ô maira te hoé taata e, “Te faaroo nei au i te haapaoraa Evanelia, aita râ vau i faaroo i te hoé noa iho Ekalesia.”

Pahono atura to‘na hoa, i te na ôraa‘tu e, “No te aha aita oe i faaroo i te hoé noa iho Ekalesia?”

Parau maira oia e, “Aita Iesu i faatia i te hoé Ekalesia.”

I teie nei, ua au te mana‘o o taua taata ra i to te mau taata e rave rahi tei faaroo e, hoé â huru to te tahi Ekalesia maitai i to te tahi. E mea tano anei taua feruriraa ra? Ua turuhia‘nei e te mau papairaa mo‘a? E imi rii tatou.

I to Iesu paraparauraa ia Petero, ua parau pâpû maira oia e, “ei nia iho i teie nei pâpâ e patu ai au i ta‘u Ekalesia.” (Mataio 16:18.) Ua faaite-maramarama-hia i ô nei e, e faatia mai te Fatu i te hoé Ekalesia. E ia parau e, aita Iesu i faatia i te hoé Ekalesia ua riro ia tera parau i te na ô mai e, aita Iesu i faatupu i ta‘na i parau maira.

Teie ia te tahi vahi: I roto i ta te Fatu poroiraa no nia i te faahauraa i te mau mârôraa, i itehia‘i te mau parau pâpû no te Ekalesia i vai i te mau mahana o Iesu ra. Mai te au i teie nei mau haapiiraa e haere te taata i faainohia, o oia

ana'e, i mua i te taata tei faaino ra. Ia ore te taata tei faaino e faaroo i te taata i faainohia ra, ei reira oia e aratai atu ai e toopiti e aore râ, tootoru i mua ia'na ra. E ia ore oia e faaroo ia raua, a faaite atu i taua huru no'na ra "i te Ekalesia;" (Mataio 18:17). Aita iho â i nehehehe ia haapao i teie mau ture, maori râ te vai ra te Ekalesia, E mea pâpû o te Ekalesia i faaitohia nei, e faatiaraa Atua to'na. Aita iho â te Fatu e faaue i to'na ra mau pîpî ia faahau i ta ratou ra mau mârôraa i roto i te tahi Ekalesia noa, tei ore i faatumuhia e Ana ra.

Ua riro hoî te parau i roto i te Korinetia I te pene 12 ei haapâpû-roa-raa no te Ekalesia ei faatiaraa Atua to'na e vai ra i te anotau o te aposetolo ra; ua faaite maramarama maira Paulo e, "e ua tuu hoi te Atua i te aposetolo i roto i te Ekalesia, o mua ia, e te piti ra, e peropheta ia, te torura, e haapii ia, e te rave tapao." (Korinetia I, 12:28.) A tapea maite i te parau, "e ua tuu hoi te Atua i te aposetolo i roto i te Ekalesia."

E mea pâpû roa teie nei mau parau. Ua faaite-pâpûhia te ohipa a te Atua a faatumu ai oia i ta'na hau, oia te Ekalesia, i nia iho i te fenua nei.

Ua faatiahia te mau pîpî a Iesu i roto i te hoé pûpû rotahi, mai te au i te parau i papaihia i roto i te Ohipa 5:11, o tei na ô mai nei e, "Roohia ihora taua Ekalesia atoa ra e te Mata'u." Tei Ierusalema te upoo o teie nei pûpû rotahi ra, no te mea e, te na ô maira te parau i roto i te Ohipa 11:22: "E ua tae roa to ratou roo i te tari'a o te Ekalesia i Ierusalema ra."

E upoo rahi hoi to teie faatiaraa Atua nei. I roto i te Ephesia 1:22, ua faaite maira Paulo ia tatou e, "e ua tuu hoi i te mau mea atoa nei i raro a'e i ta'na avae, e ua haapao hoi ia'na (te Mesia) ei upoo i nia iho i te mau mea atoa i te Ekalesia."

Ua parauhia e Paulo teie nei faatiaraa, oia te Ekalesia, ei "pou e te tumu o te parau mau ra." (Timoteo I,3:15.) Ua faaterehia ta'na mau ohipa pae tino e te mau aposetolo e te mau peropheta, oia tei maitihia e te Atua, e te faatoroahia, e te haamanahia hoi ia rave i te ohipa i roto i te i'oa o te Fatu ra.

Te Ekalesia tei faatiahia, e te haamanahia mai te reira te huru, ua hau ê atu ia i ta te taata nei i faatia, oia tei ere i teie nei mau huru faufaa rahi no te Ekalesia mau ra.

A faatupuhia'i ta Daniela tohuraa, ua faatia-faahou-hia te Ekalesia mau i nia iho i te ao nei. (Daniela 2:44.) E i teie nei mahana tei ia'na te i'oa, "Te Ekalesia a Iesu Mesia i te Feia Mo'a i te Mau Mahana Hopea nei." E te hoé o te mau faaiteraa mana no te faatereraa Atua no te Ekalesia ra, ua itehia ia i roto i te parau faaiteraa na te Ekalesia rahi no Beritani. Tei roto ia i te vea numera 48, o tei neneihia i avae Tiurai, 1921, teie ia te parau na te amaa o taua Ekalesia ra i Canada a parau ai oia no te Feia Mo'a i te Mau Mahana hopea nei, oia hoi:

"Ua ite-pâpû-hia te tamau-noa-raa o te Feia Mo'a i roto i ta ratou faatereraa Ekalesia. Ua tia hoi ia parau atu e, e mea hapa ore mau taua faatereraa ra."

E teie hapa ore mau ra, e tapao pâpû te reira, na te Atua taua faatereraa Ekalesia ra. A ite ai tatou i teie nei parau faaite na te Ekalesia no Beritani ra, i itehia'i te mau tumu rarahi no te tia ia faaroo i te tumu Atua no te Ekalesia i faaho'ihia maira i teie mau mahana hopea nei.

—*Faaauhia ei re'o Tahiti e Elavana*

Te Tahī Mau Huru no te Ekalesia Mau

¶ EI roto i te mau haapaoraa te tahī mau fifi rahi e te afaro ore roa hoī i teie ā mahana. Na te hoē taata haapii ture teie parau i parau atu i te hoē orometua Porotetani, a parahi ai raua i roto i te hoē fare tapaeraa i te ahi-ahi o te hoē mahana maa. Te parahi atoa ra te hoē orometua haapii parau tuatapapa e te tahī pīpī no te hoē haapii-raa teitei no te fenua ra i Aidaho i Amerika. O ratou e too-maha ia o tei haere na nia i te hoē haerea.

Orometua Porotetani: Eaha te mau haapaoraa e vai nei i roto i te fifi rahi e te afaro ore roa hoī?

Te Haapii Ture: I teie ahiahi a hoī mai ai au i te fare tapaeraa nei, ua faaea rii au i ō na haapii-raa Evanelia e toru i nia i te aroā. E mea ē te Evanelia te tahī i te tahī i haapiihia e taua na haapaoraa e toru i roto i teie nei oire i te hora hoē ra.

Orometua Porotetani: Eaha te peapea? Ia haapii na orometua e toru i te haapii-raa ēē te tahī i te tahī no nia iho i te haapaoraa Cherisetiano, e tapao ia te haere nei te ohipa i mua. E ia rahi te mau haapii-raa o te Evanelia a Iesu Mesia e tia'i, a riro ai ia ei mauruuru-raa no te mau taata atoa ra.

Te Haapii Ture: Tera rā, aita to oe mana'oi faatupu mai i te pāpū e te tano i roto i to'u nei feruriraa no nia i te faaroo no te haapaoraa Evanelia nei.

Ahiri na taata hoo tao'a hahere hoē ahuru i tae mai i te hoē oire, ma te parau e, hoē ā to ratou taieti, e e mea ē rā ta te tahī hooraa i ta te tahī; e hoē ā ia mea ta ratou i hoo ra; ua parau iho ā ia oe e, te vai ra te hape rahi roa i rotopu i taua mau taata hoo tao'a ra.

Orometua Porotetani: A, e, e na reira iho ā ia vau.

Te Haapii Ture: E ia tae mai rā na taata hoē ahuru i te hoē oire, ma te parau e, hoē ā Fatu to ratou; e te haapii

atura ratou i na Evanelia êê e hoé ahuru, te mana'o nei oe e, e tapao ia e, te haere nei te ohipa i mua.

Orometua Porotetani: Te reira iho â; tera râ, e mea ê te ohipa hoo tao'a e te ohipa Evanelia.

Te Haapii Ture: E mea pâpû ia'ú, ia haapii atu na orometua hoé ahuru i na Evanelia ê e ahuru ra, e ere roa ia te rahiraa o ratou i to te Mesia.

Te Orometua Haapii Purau Tuatapapa: E mea tano te reira i to'ú nei mana'o.

Te Pîpî no te Haapiiraa Teitei: Aita hoí au i te hoé taata o tei tia ia'na ia parau mai e, o te Atua ia te tumu no te anoi noa. Ua avau atura Paulo i to Korinetia a mârô ai ratou te tahi i te tahi no nia i ta te Mesia mau haapiiraa; na ô atura oia ia ratou: "Ua amahamaha anei te Mesia" (Kor.I,1:13). Ua faaite atoa oia i to Ephesia, na o atura: "Hoé hoi Fatu, hoé faaroo, hoé bapetizo" (Eph. 4:5). Ua faaite oia i roto i ta'na rata i to Galatia e, e anatema to te taata atoa o te a'o atu i te Evanelia ê atu i tei a'ohia'tu e ana ra (Gal. 1:8).

Orometua Porotetani: Te mana'o nei anei oe e, hoé noa iho Ekalesia tia mau, e aita atu? Ua anihia teie uiraa i te pîpî no te haapiiraa teitei.

Te Pîpî no te Haapiiraa Teitei: Oia mau ia.

Te Haapii Ture: Nahea râ e ite pâpû ai te taata e, o teihea te Ekalesia mau?

Te Pîpî no te Haapiiraa Teitei: Na roto i te imiraa i te mau huru taa maitai i vai na i roto i te Ekalesia o tei faa-tiahia e to tatou Faaora i To'na ra anotau i nia i té fenua nei.

Orometua Haapii Parau Tuatapapa: Eaba ia te mata-mehai no taua mau huru ta oe e parau nei?

Te Pîpî no te Haapiiraa: O te i'oa ia. E ia itehia e oe te Ekalesia mau ra, tei reira ia te taatoaraa o te i'oa no te

Taata tei faatia i te haapaoraa Cherisetiano i te topa-raa-hia i nia ihora.

Te na ô maira te Fatu, a paraparau ai Oia ia Petero: "E faatia vau i Ta'u Ekalesia." Mai te mea e, Na'na ia te Ekalesia; ia taati-atoa-hia ia To'na ra i'oa etia'i; eiaha ho'i te tahi tufaa ana'e, te taatoaraa râ. Ua na ô maira Paulo, a parau ai oia no nia i to tatou Fatu ia Iesu Mesia e: "No'na ho'i te i'oa i mairihia i te fetii atoa, to te ra'i e to te ao atoa nei." (Eph. 3:15.) E i te tahi vahii na ô mai ai oia e: "O te tane ho'i to te vahine ra upoo, mai te Mesia atoa ra ei apoo ia no te Ekalesia" (Eph. 5:23). Mai te mea e, no te Mesia te i'oa i mairihia i te fetii atoa, e o Oia atoa ho'i ia te upoo no te Ekalesia, ei reira e mairi-mau-hia i nia i te Ekalesia te íraa o Tana i'oa ra, oia ho'i, Te Ekalesia a Iesu Mesia.

Te Orometua Haapii Parau Tuatapapa: E i to oe mana'o, eaha ho'i ia te piti o te huru taa maitai o tei riro ei tapao no te Ekalesia mau?

Te Pīpī no te Haapiiraa: O te i'oa ia i parauhia'i te mau melo ra.

Orometua Porotetani: E tana i'oa ra, o te i'oa Cherisetiano iho â ia.

Te Pīpī no te Haapiiraa: Te i'oa Cherisetiano ra, o te hoé upoo parau vahavaha ia i topahia i te matamua i nia iho i te feia i pee atu i te Mesia ra; tei Anetiota (Antioch) te topa-raa-hia o tana i'oa ra, i te matahiti e 43 i muri a'e i te Mesia. Te i'oa mau râ o te mau pīpī a te Mesia ra, o te Feia Mo'a ia. Ua parauhia e Paulo te mau pīpī i Roma ei Feia Mo'a (Roma 1:7). Ua faahiti faahou â oia i tana i'oa ra i na taime e hitu i roto i tana rata ra. E i roto i ta'na rata matamua i to Korinetia, e ono ia ta'na faahitiraa, e i roto i te rata piti ra, e pae ia ta'na faahitiraa i te parau Feia Mo'a ei i'oa mau no te mau pīpī ra; e i ta'na parau

haamataraa i papaihia i to Ephesia (Eph.1:1). E i roto i taua episetole i hora, i parau ai oia e: "Ei faaau i te Feia Mo'a i te ohipa ra ei orometua." (Eph.4:12.) E i roto i ta Ioane mau heheuraa i parauhia Iesu i te Arii o te Feia Mo'a (Apo.15:3). E no nia iho ho'i i te reira i parauhia'i to te Oire Mo'a, ei Feia Mo'a (Apo.20:9).

Orometua Porotetani: E ere ho'i te i'oa o te feia i pee i te Mesia i te mea faufaa.

Te Pīpī no te Haapiiraa: Ua hau te tapao toru i te faufaa i to te piti, oia hoi, to'na faatereraa huru ê.

Te Haapii Ture: Eaha oe i parau mai ai e, e faatere-raa huru ê?

Te Pīpī no te Haapiiraa: No te mea e, e mea ê roa te mau faatereraa a te mau Ekalesia i teie nei i ta tei faatiahia e te Mesia ra. E mea huru rahi te mau toroa faufaa rahi tei faaitehia i roto i te Faufaa Api nei. Te vai ra i roto i taua Ekalesia a te Mesia ra, te mau aposetolo (Kor.I,12.), te mau peropheta (Kor.I,12.), te mau tahu'a rahi (Heb. 5:1.), te mau hitu ahuru (Luka 10:1-2.), te mau peresibutero (Petero I, 5:1-4.), e te mau episekopo (Tim.I,3:1.), te mau haapii Evanelia (Eph.4:11.), te mau orometua (Eph.4:11), e te mau diakono (Tim.I,3:8). Na toroa râ tei hau i te faufaa, o te aposetolo e te peropheta ia.

Te Orometua Porotetani: Tera râ, eiaha tatou e imi i te Ekalesia e mau aposetolo e te peropheta to'na i to tatou nei anotan. Ua tuuhia taua mau taata faaûrûhia ra i roto i te Ekalesia no te faatiaraa i te haapaoraa Cherisetiano ra. E ere ia i te opuaraa a te Atua ia parahi taua mau ratou i muri a'e i to te Cherisetiano faatia-pâpû-raa-hia i te ao nei.

Te Orometua Haapii Parau Tuatapapa: E ere anei tena parau hopea i te mea huru mauruuru ore i te Fatu ra?

—*Papaihia e Elavana.*

(Tuatiraa teie nei parau.)

i'oa
tam
nei
ite
taua
ham

i rot
fenu
Mos
haap
hiti
Mos
Num
ia e i

taata
naina
itehia
noa t
081.1
rika
mata
atoa
nei;
to'na
Ame

Te Mau Parau Apî

Ua itea'enei i te hoé taata Eremania, o Dr. Miethe te i'oa, te hoé ravea e hamani-noa-hia'i te auro. Mai te matamua mai, e mea ôhia te auro no roto mai i te fenua, i teie nei râ, e oti i te hamanihia e te taata nei. Tera râ, te faaite maira o Miethe e, e mea maoro hoi e rahi ai te auro i taua ravea apî nei, no te iti o te hoé metalo i titauhia no te hamani-raa-hia te auro.

Na te hoé ratere i faaite mai ia tatou e, te vai noa ra i roto i te hoé fare pureraa no te mau taata Samaria, i te fenua ra i Samaria, i Iudea, na buka matamua e pae a Mose ra, i papaihia e to'na iho rima ia'na i ora mai ai. Ua haapaohia taua fare pureraa ra e te Samaria i teie na matahiti e 150 i mairi a'enei. Ua tuuhia teie mau papairaa a Mose ra, oia te buka i parauhia Genese, Exodo, Levitiko, Numera, e Deuteronomi, i roto i te hoé afata metalo, ia ore ia e inohia.

Mai te peu ra, te peapea na outou no nia i te moni a te taata ra o Henere Ford, oia tei hamani i te mau pereoo uira nainai, eiaha ena reira. Aita ê â i pau ta'na moni. Te faaitehia maira e, i roto i teie tau a'enei, tera ia te moni Hau noa ta'na i aufau atu i te Hau Amerika, oia hoi, e 442,041,081.12 dara, moni Amerika; ta'na ia tarahu i te Hau Amerika no nia i ta'na taiete hamani-raa i roto i te hoé noa iho matahiti; e te tufaa iti hoi teie o ta'na moni. E faufaa rahi atoa to'na i'oa noa, no te mâtau to te ao atoa nei i taua i'oa nei; e faaitehia maira e, ia pohe oia, e tai'ohia te faufaa o to'na i'oa i te moni ra e pae tausani milioni dara, moni Amerika.

Faaiteeraa no Ruru

Ia hinaaro outou i te tape'a, e te uati, noa'tu te huru;

Ia hinaaro outou ia hamanihia to outou mau tape'a, te pine, te tautau;

Ia hinaaro outou ia tataibia to outou mau tape'a;

Ia hinaaro outou i te hoo mai i ta outou mau tiko, te patoetoe, te mau tape'a tahito, te hei pupu, etc.;

Ia hinaaro outou ia papaihia to outou mau i'oa i nia e aore rā i roto i to outou mau tape'a, te pine, e te tautau;

Ia hinaaro outou ia faaapīhia to outou mau tape'a tahito;

Haere i o Ruru

*to'na iho ā fare parai rea ute
te aroa Petite Pologne*

PAPEETE

NENEIRAA HOHO'A

Noa'tu te huru e te faito i hinaarohia, e oti nehenehe i ō nei ia Viriamu.

O te mau huru ohipa ho-ho'a e ravehia nei.

William Crake

I pihaito i te Fare Moni Initta Taina

PAPEETE

Ua oti a'enei i roto i te fenua Eremania te hoé pahi reva rahi i hamanihia e ratou no te hau Amerika, o tei riro ia te pahi reva rahi, e te nehenehe, e te maitai i hamanihia i te ao atoa nei. Tera te i'oa o taua pahi reva ra, oia hoi, te "Zeppelin Z R-3". Ua hamanihia ia na roto i te hoé faa-auraa, ia riro ia ei aufauraa no nia i ta te Eremania tarahu rahi i te Hau Amerika, e ua papaihia te moni ra e piti milioni, e piti hanere tausani dara (2,200,000.00), moni Amerika. E oti a'era taua pahi reva ra i te hamanihia, faarue atura ratou i te fenua Eremania, mai te tere roa'tu i te fenua Amerika, e tae atura ratou i reira i na hora e vau ahuru; e pae tausani e tiahapa maile taua tere ra. E toru ahuru ma piti horo patete atoa tei nia iho i taua pahi ra. E tere maere rahi teie, no te mea na nia noa'e ratou i te moana rahi ra o Atalanata, e aita hoi e faaearaa mai te faarueraa'tu ia Eremania e tae roa'tu i Amerika, e tae atura ratou i reira, te toe noa ra ta ratou mori. E au te roa o teie tere i te area mai Tarafonia e Tahiti e tae noa'tu i Niu Zilani.

Ua ati roa teie nei ao i na pahi reva e toru no Amerika a riro ia te haaatiraa matamua i teie nei ao na roto noa i te reva. Tera ia te maoro o to ratou tere, e pae avae, e piti ahuru ma piti mahana; e tera te roa o te tere, e 27,534 maile. Tei roto noa ratou i te reva i na hora e 351.

I roto i te hoé tufaa no te fenua Afarika, te hoochia ra te mau vahine maohi no taua fenua ra i te mau tane i reira. Na roto i te hoé taiete papaa te hoo-raa-hia taua mau vahine ra. I roto i te hoé tau a'enei, no te iti o ta tera mau tata moni, tuuhia'tura teie mau vahine ia ratou na nia i te tarahu, mai te faaau e, e aufau ratou e mea moni i te avae hoé, e haapee-roa-hia'i taua tarahu ra. I teie nei râ, aita ê â i aufauhia ta ratou moni, e ua faaitehia ratou e, ia ore ratou e haapee oioi mai i ta ratou tarahu i teie nei, ia faaho'i ratou i te mau vahine e tia'i. E peapea hoi te reira.

Tao'a Apî Farani

Mea rahi te taihaa apî no nia mai i te pahirahi Farani.

Pereoo taataahi tane
e te vahine—te au'a
e te mereti—e ua rau
te huru te ahu Fara-
ni ana'e.

Tihota Tahiti Hoo Mama
Fare Toa No Aiu.

FARE TAMAARAA TINITO

I Tatahi tel fatata i te fare toa no Pute

Teie te Hooraa

Te mau roi auri, roi raau, roi veo;
Te mau afata ume, afata roa, afata
raau noanoa, afata ma'i (pohe);
Te mau huru UPAUPA, Mando-
line, Guitare, Ukulele, e to'na
mau niuniu atoa;

Te mau huru peni vaa, Fare, Pere-
oo, Afata Ume, e te tahi atu â.
Tei reira'toa hoi te hamani raa e te
tatairaa i te mau huru haneti atoa.
Tei reira'toa te mau hahu raa, e te
êê raa raau.

Tei reira'toa te tarahu raa Pereoo
uira: taniunia noa io Bambridge,
Papeete, ia tae atu te Auto, no-
a'tu te hora i te pô e te ao.

Bambridge, Dexter & Co.

oia hoi io TIHOTI MAEHAA

Ua Faaroo Tatou

I te paran apî o te tauî o te moni Marite e te moni Beritane—e no reira ua pee te moni o te mau taihaa i nia.

Mea Mama ta Pute

Ua hamani atoa taua faretoa ra i te hoê pua apî re'are'a—NATUA—te i'oa, na te hoê taata ite roa i te rapaau no Marite rana o Jones E. O. Maker taua pua maitai ra i rapaau e i hamani.

E Piti Toata i te Pâ

A. Leboucher

PAPEETE

Tamuta Hamani Pahi e te Fare

Mai te mea e, te opua nei oe i te hoo i te tahi poti tere roa a'e i te tahi atu â mau poti, haere io PERO, oia hoi, F. R. & I. E. WALKER, na ratou e hamani i taua poti ra ma te maitai e te hoo māmâ.

Haere na a mataitai i ta ratou mau hobo'a poti, haere na a mataitai i ta ratou aua hamaniraa pahi.

Farerei na ia PERO ma, no te hamaniraa i to oe fare, eita oe e tata-rahapa.

Afai na ta oe mau iri raau i hinaro i te êê e te hahu ia PERO ma, na ratou e rave.

F. R. & I. E. WALKER

PAPEETE

Ua oti ia te faaauraa o te mau taata Eremania i te hoê taiete rahi moni i Amerika no te tarahuraa i te moni ra e 4 milioni dara, moni Amerika. E tuuhia teie moni rahi ia Eremania i roto i te avae Tenuare i muri nei, e e ravehia ia taua moni ra no te ohipa hamaniraa tihota i taua fenua ra.

I teie nei, ua hamanihia i te fenua Amerika te hoê pahi reva nainai e au i te hoê noa iho taata, e 200 kilo to'na faito ia parahi te taata faatere i roto. Ua faaitchia e, e tae teie pahi reva i na maile e 70 i te hora hoê, e ua navai te hoê galoni mori no na maile e 50. Na te taata ra, o Wilbur Wright, e to'na mau tauturu, teie mau pahi reva e hamani; e 21 matahiti to tera utuafare Wright hamaniraa i te mau huru pahi reva.

O. B. Peterson, Imprimeur,
Rue Brea et de la rue Dumont d'Urville, Orovini, Papeete